

四、行

四、1《莊子集解·天道》

桓公讀書於堂上，輪扁斲輪於堂下，釋椎鑿而上，問桓公曰：「敢問，公之所讀者何言邪？」公曰：「聖人之言也。」曰：「聖人在乎？」公曰：「已死矣。」曰：「然則君之所讀者，古人之糟粕已夫！」桓公曰：「寡人讀書，輪人安得議乎！有說則可，無說則死！」輪扁曰：「臣也以臣之事觀之。斲輪，徐則甘而不固，疾則苦而不入，不徐不疾，得之於手而應於心，口不能言，有數存焉於其間。臣不能以喻臣之子，臣之子亦不能受之於臣，是以行年七十而老斲輪。古之人與其不可傳也死矣，然則君之所讀者，古人之糟粕已夫！」

四、2《博物志全譯·外國》

奇肱民善為拭，扛以殺百禽，能為飛車，從風遠行。湯時西風至，吹其車至豫州，湯破其車，不以視民。十年，東風至，乃復作車遣返，而其國去玉門關四萬里。

四、3《全唐詩·門有車馬客行》

門有車馬賓，金鞍曜朱輪。調從丹霄落，乃是故鄉親。
呼兒掃中堂，坐客論悲辛。對酒兩不飲，停觴淚盈巾。
嘆我萬里游，飄飄三十春。空談帝王略，紫綬不掛身。
雄劍藏玉匣，陰符生素塵。廓落無所合，流離湘水濱。
借問宗黨間，多為泉下人。生苦百戰役，死托萬鬼鄰。
北風揚胡沙，埋翳周與秦。大運且如此，蒼穹寧匪仁。
惻愴竟何道，存亡任大鈞。

四、4《王勃集·滕王閣序》

在良辰美景、賢主嘉賓都齊備的情況下，作者舉目遠眺，盡情嬉遊，可是天高地遠，宇宙無垠，他忽然覺得人生短促，萬事萬物的變化都有定數，感慨油然而生。

四、5《王安石集·遊褒禪山記》

藉遊褒禪山，抒發感觸與心得，透過一嘆一悲，強調為學不可畫地自限，應堅持理想，深思慎取，求真求實，以獲致成功。

四、6《天工開物·舟車》

宋子曰：人群分而物異產，來往懋遷以成宇宙。若各居而老死，何藉有群類哉？人有貴而必出，行畏周行；物有賤而必須，坐窮負販。四海之內，南資舟而

北資車。梯航萬國，能使帝京元氣充然。何其始造舟車者不食屍祝之報也？浮海長年，視萬頃波如平地，此與列子所謂御冷風者無異。傳所稱奚仲之流，倘所謂神人者非耶？

文化 教育